

"Әскери қызметшілер мен олардың отбасы мүшелерінің мәртебесі және оларды әлеуметтік қорғау туралы" Қазақстан Республикасының Заңына өзгерістер мен толықтырулар енгізу туралы" Қазақстан Республикасы Заңының жобасы туралы

Қазақстан Республикасы Үкіметінің қаулысы. 2002 жылғы 28 желтоқсан N 1396

Қазақстан Республикасының Үкіметі ҚАУЛЫ ЕТЕДІ:

"Әскери қызметшілер мен олардың отбасы мүшелерінің мәртебесі және оларды әлеуметтік қорғау туралы" Қазақстан Республикасының Заңына өзгерістер мен толықтырулар енгізу туралы" Қазақстан Республикасы Заңының жобасы Қазақстан Республикасының Парламенті Мәжілісінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Жоба

Қазақстан Республикасының Заңы "Әскери қызметшілер мен олардың отбасы мүшелерінің мәртебесі және оларды әлеуметтік қорғау туралы" Қазақстан Республикасының Заңына өзгерістер мен толықтырулар енгізу туралы

1-бап. "Әскери қызметшілер мен олардың отбасы мүшелерінің мәртебесі және оларды әлеуметтік қорғау туралы" Қазақстан Республикасының 1993 ж. 20 қаңтардағы Заңына (Қазақстан Республикасы Жоғарғы Кеңесінің Жаршысы, 1993 ж., N 2, 32-құжат ; N 18, 429-құжат; 1995 ж., N 20, 120-құжат; N 22, 133-құжат; Қазақстан Республикасы Парламентінің Жаршысы, 1992 ж., N 7, 79-құжат; 1999 ж., N 8, 247-құжат; N 23, 920-құжат; 2001 ж., N 20, 257-құжат) мынадай өзгерістер мен толықтырулар енгізілсін:

1 . 1 - б а п т а :

1) бірінші бөлік "Республикалық ұланда" деген сөздерден кейін ", Ішкі істер министрлігінің Ішкі әскерлерінде, әскери-тергеу органдары мен әскери полициясында, Қазақстан Республикасы Президентінің Күзет қызметінде, Қазақстан Республикасы Төтенше жағдайлар жөніндегі агенттігінің басқару органдары мен азаматтық қорғаныс бөлімдерінде және әскери прокуратура органдарында (бұдан әрі осы Заңның мақсаттары үшін - Қарулы Күштер, басқа да әскерлер мен әскери құралымдар)" деген сөздер мен толықтырылсын;

2) екінші бөлік мынадай редакцияда жазылсын:

"Оларға офицерлер, келісім-шарт бойынша әскери қызмет өткеретін адамдар, әскери (арнаулы) оқу орындарының курсанттары, мерзімді қызметтегі старшиналар, сержанттар, солдаттар мен матростар жатады.";

3) төртінші бөлік "ұрыс қимылдарына қатысу," деген сөздерден кейін "бейбітшілік

пен қауіпсіздікті сақтау жөніндегі халықаралық міндеттемелерді орындауға" деген сөздермен толықтырылсын.

2 . 3 - б а п т а :

1) бірінші бөліктегі "ұлттық қауіпсіздік органдарында, Республикалық ұланда әскери қызметтен өтуші адамдар, сондай-ақ әскери құрылысшылар" деген сөздер "басқа да әскерлері мен әскери құралымдарында әскери қызметтен өтуші адамдар" деген сөздермен ауыстырылсын;

2) төртінші бөліктің бірінші сөйлемі қазақ тілдегі мәтінінде мынадай мазмұндағы жаңа редакцияда жазылсын:

"Қазақстан Республикасының Қарулы Күштеріндегі әскери қызметтен босатылған және басқа да ТМД елдеріне тұрақты тұруға қоныс аударған Қазақстан Республикасы азаматтарының мәртебесі мемлекетаралық келісімдермен белгіленеді."

3 . 4 - б а п т а :

1) екінші бөлік мынадай редакцияда жазылсын:

"Барлық әскери қызметшілер атқаратын қызметі мен әскери атағына қарамастан заң алдында тең. Әскери қызметшілердің құқықтары мен міндеттеріндегі, әскери қызметтен өту шарттарындағы, материалдық жағынан қамтамасыз етілуіндегі ерекшеліктер Қазақстан Республикасының заңдары мен белгіленеді."

2) үшінші бөліктегі "мемлекеттік органдарға, сондай-ақ Қазақстан Республикасы Қарулы Күштерінің командованиясіне, ұлттық қауіпсіздік органдарының басшылығына, Республикалық ұланының командованиясіне" деген сөздер "Қарулы Күштердің, басқа да әскерлер мен әскери құралымдарының басшылығына" деген сөздермен ауыстырылсын;

3) алтыншы бөлік алынып тасталсын.

4 . 8 - б а п т а :

1) жетінші бөлік мынадай редакцияда жазылсын:

"Әскери қызметшілердің (мерзімді қызметтегі әскери қызметшілер мен әскери (арнаулы) оқу орындарының курсанттарынан басқа), педагогикалық, ғылыми және өзге де шығармашылық қызметтерден басқа кәсіпкерлік не басқа да ақылы қызметпен айналысуға құқығы жоқ."

2) мынадай мазмұндағы сегізінші бөлікпен толықтырылсын:

"Мерзімді қызметтегі әскери қызметшілер мен әскери (арнаулы) оқу орны курсанттарының кез келген ақылы қызметпен айналысуға құқығы жоқ."

5 . 9 - б а п т а :

1) бірінші және үшінші бөліктердегі "Офицерлердің, прапорщиктердің, мичмандардың, әскери қызметші әйелдердің, шарт бойынша әскери қызметтен өтуші әскери қызметшілердің" және "Офицерлерге, прапорщиктерге, мичмандарға, әскери қызметші әйелдерге, шарт бойынша әскери қызметтен өтуші әскери қызметшілерге" деген сөздер тиісінше "Әскери қызметшілердің (мерзімді қызметтегі әскери

қызметшілер мен әскери (арнаулы) оқу орындарының курсанттарынан басқа" және "Әскери қызметшілерге (мерзімді әскери қызметтегі әскери қызметшілер мен әскери арнаулы) оқу орындарының курсанттарынан басқа" деген сөздермен ауыстырылсын;

2) төртінші бөліктегі "Қорғаныс министрі, әскери қызметшілер әскери қызмет атқаратын басқа да министрліктердің басшылары" деген сөздер "әскери қызметшілер әскери қызмет атқаратын Қарулы Күштердің, басқа да әскерлер мен әскери құралымдардың басшылары" деген сөздермен ауыстырылсын;

3) бесінші бөліктегі "Офицерлерге, прапорщиктерге, мичмандарға, әскери қызметші әйелдерге және шарт бойынша әскери қызметтен өтуші әскери қызметшілерге" деген сөздер "Әскери қызметшілерге (мерзімді қызметтегі әскери қызметшілер мен әскери (арнаулы) оқу орындарының курсанттарынан басқасына)" деген сөздермен ауыстырылсын.

6 . 1 0 - б а п т а :

1) бесінші бөліктегі "екі лауазымдық айлықақысы" және "лауазымдық жалақысының жартысы" деген сөздер тиісінше "екі айлық ақшалай үлес" және "айлық ақшалай үлесінің жартысы" деген сөздермен ауыстырылсын;

2) жетінші бөліктегі "оқу орындарының курсанттарының" деген сөздерден кейін ", сондай-ақ ұшуларды дайындау жөніндегі ұшу, инженерлік құрамның әскери қызметшілері" деген сөздермен толықтырылсын;

3) мынадай мазмұндағы сегізінші бөлікпен толықтырылсын:

"Мерзімді қызметтегі әскери қызметшілерге, әскери (арнаулы) оқу орындарының курсанттарына демалысқа шыққан кезде Қазақстан Республикасының Үкіметі белгілеген нормалар бойынша азық-түлік үлесінің орнына ақшалай өтемақы төленеді."

7 . 1 1 - б а п т а :

1) төртінші, бесінші, алтыншы және жетінші бөліктер алынып тасталсын;

2) мынадай мазмұндағы бөлікпен толықтырылсын:

"Әскери қызметшілерге салық төлеу жөніндегі жеңілдіктер Қазақстан Республикасының салық заңдарымен белгіленеді."

8. 12-бап мынадай редакцияда жазылсын:

"12-бап. Тұрғын үй алу құқығы

Әскери қызметшілер (мерзімді қызметтегі әскери қызметшілер мен әскери (арнаулы) оқу орындарының курсанттарынан басқа) мен олардың отбасы мүшелері мемлекет есебінен тұрғын жайлармен (пәтерлермен) қамтамасыз етіледі.

Әскери қызметшілерге (мерзімді қызметтегі әскери қызметшілер мен әскери (арнаулы) оқу орындарының курсанттарынан басқа) мен олардың отбасы мүшелеріне тұрғын жаймен (пәтермен) қамтамасыз етілгенге дейін уақытша тұру үшін қызметтікке теңестірілген тұрғын үйлер, қызметтік тұрғын үйлер немесе жатақханаларда тұрғын жайлар міндетті түрде беріледі.

Әскери қызметшілер (мерзімді қызметтегі әскери қызметшілер мен әскери (арнаулы) оқу орындарының курсанттарынан басқа) жасы бойынша әскери қызметтен босатылғанға дейін үш жыл бұрын не денсаулық жағдайы бойынша немесе әскери командованиенің ұсынысы бойынша штаттың қысқаруына байланысты әскери қызметтен босатылатын жылы жергілікті атқарушы органдар олардың қалап алған тұрғылықты жері бойынша мемлекеттік тұрғын үй қорынан тұрғын үй бөлу кезегінің т і з і м і н е е н г і з е д і .

Шетелге және климаттық жағдайы ауыр жерлерге әскери қызметті өткеру үшін жіберілген әскери қызметшілердің (мерзімді қызметтегі әскери қызметшілер мен әскери (арнаулы) оқу орындарының курсанттарынан басқа), өздері тұратын тұрғын жайлары, олардың шетелде және аталған жерлерде болған бүкіл уақытына сақталады.

Қызмет бойынша ауысқан кезде тұратын тұрғын жайы сақталатын әскери қызметшілерге жаңа қызмет орны бойынша қызметтік тұрғын үйлер беріледі.

Әскери қызметшілерге (мерзімді қызметтегі әскери қызметшілер мен әскери (арнаулы) оқу орындарының курсанттарынан басқа), олармен бірге тұратын отбасы мүшелерін ескере отырып тұрғын үй қорының тиесілілігіне қарамастан, тұрғын үйді ұстау шығыстарын (орталықтандырылған жылу, суық және ыстық сумен жабдықтау, кәріз, электрмен жабдықтау, газбен жабдықтау) төлеу үшін тиісті жылға арналған республикалық бюджетте айқындалатын мөлшерде Қазақстан Республикасының Үкіметі белгілеген тәртіппен ақшалай өтемақы төленеді.

Мемлекеттік тұрғын үй қорының үйлерінен тұрғын жаймен қамтамасыз етілген әскери қызметшілер, жабық және оқшауланған әскери қалашықтарда орналасқан тұрғын жайларды қоспағанда, әскери қызметтен босатылғаннан кейін қолданылып жүрген заңдарда айқындалған тәртіппен оларды меншігіне алуға құқылы. Әскери қызметтен босатылған және күнтізбелік есеппен 20 және одан да көп жыл қызмет еткен әскери қызметшілер тұратын тұрғын жайын өтеусіз меншігіне алуға құқылы.

Мерзімді қызметтегі әскери қызметшілер, әскери (арнаулы) оқу орындарына курсанттары тұрғылықты жері немесе жұмыс орны бойынша тұрғын жай (пәтер) алуға кезек тізімінен шығарылмайды және оларда әскери қызметке шақырылғанға немесе әскери (арнаулы) оқу орнына түскенге дейін тұрған тұрғын жайы сақталады.

Тұрғын жай сатып алу немесе жеке тұрғын үй құрылысы үшін кредит алған әскери қызметшілерге (мерзімді қызметтен әскери қызметшілер мен әскери (арнаулы) оқу орындарының курсанттарынан басқа) Қазақстан Республикасының Үкіметі белгілеген мөлшерде және тәртіппен кредит сомасы өтеледі.

Асыраушысынан айрылған әскери қызметшілердің отбасыларын, оларға басқа жақсы жабдықталған тұрғын жайды өтеусіз бермейінше өздері тұратын тұрғын жайдан шығаруға болмайды. "

9 . 13 - б а п т а :

1) е к і н ш і б ө л і к т е :

"арнаулы жабдықтар жоқ болса," деген сөздердің алдынан "медициналық көрсеткіштер бойынша" деген сөздермен толықтырылсын;
"мекемелерінде" деген сөздің алдынан "мемлекеттік" деген сөзбен толықтырылсын;

"және меншік түріне" деген сөздер алынып тасталсын;

2) үшінші бөліктегі "Қазақстан Республикасының Қорғаныс министрлігі, Қазақстан Республикасының әскери қызметшілер әскерлерінде әскери қызметтен өтетін министрліктері мен ведомстволары" деген сөздер "әскери қызметшілер құрылымында әскери қызметтен өтетін Қарулы Күштер, басқа да әскерлер мен әскери құралымдар" деген сөздермен ауыстырылсын;

3) төртінші бөліктегі "арнаулы жабдықтар болмаған жағдайда," деген сөздердің алдынан "медициналық көрсеткіштер бойынша" деген сөздермен толықтырылсын;

4) бесінші, алтыншы бөліктер мынадай редакцияда жазылсын:
"Әскери қалашықтарда орналасқан әскери қызметшілерді санитарлық-эпидемиологиялық жағынан қамтамасыз ету заңдарда белгіленген тәртіппен жүзеге асырылады.";

"Әскери қызмет міндеттерін атқару кезінде жарақаттанған, контузия алған, зақымданған, мертлікке немесе ауруға шалдыққан әскери қызметшілер құрылымында әскери қызметшілер әскери қызмет өткерген Қарулы Күштердің, басқа да әскерлер мен әскери құралымдардың қаражаты есебінен санаторийлерге жіберіледі.";

5) жетінші бөліктегі "алтыншы," деген сөз алынып тасталсын;

б) тоғызыншы бөліктегі "әскери-орындарының" деген сөздер "әскери (арнаулы) оқу" деген сөздермен ауыстырылсын.

10. 14-баптың төртінші бөлігіндегі "Қазақстан Республикасы Қорғаныс министрлігінің және әскери қызметке шақырылған әскери қызметшілер, әскери міндеттілер әскерінде әскери қызметтен өткен (жиында болған) басқа да Қазақстан Республикасы министрліктері мен ведомстволарының" деген сөздер "әскери қызметке шақырылған әскери қызметшілер, әскери міндеттілер әскери қызметтен өткен (жиында болған) Қарулы Күштердің, басқа да әскерлер мен әскери құралымдардың" деген сөздермен ауыстырылсын.

11. 15-бап мынадай редакцияда жазылсын:

"15-бап. Білім алу құқығы

"Әскери қызметшілер әскери (арнаулы) оқу орындарында оқуға құқылы.

Әскери (арнаулы) оқу орындарын бітірген әскери қызметшілер қайта даярлау және біліктілікті арттыру курстарында оқи алады.

Әскери қызметшілерге (мерзімді әскери қызметтегі әскери қызметшілер мен әскери (арнаулы) оқу орындарының курсанттарынан басқа) өздері құрылымында әскери қызмет беретін Қарулы Күштер, басқа да әскерлер мен әскери құралымдар басшыларының келісімімен еңбек туралы заңдарға сәйкес сессияларды және

қорытынды емтихандарды тапсыру үшін демалыс беріліп, азаматтық жоғары оқу орындарында оқудың кешкі және сырттай түрінде оқуға рұқсат етіледі.

Оқу кезеңінде әскери қызметке шақырылған адамдардың әскери қызметтен босағаннан кейін өздері шақыруға дейін оқыған оқу орнындағы оқуын жалғастыруға

қ ұ қ ы ғ ы

б а р . " .

1 2 .

1 6 - б а п т а :

1) бірінші бөліктегі "Офицерлердің, прапорщиктердің, мичмандардың, әскери қызметші әйелдердің және шарт бойынша қызметін өтеуші адамдардың" деген сөздер "Әскери қызметшілердің (мерзімді қызметтегі әскери қызметшілер мен әскери (арнаулы) оқу орындарының курсанттарынан басқа)" деген сөздермен ауыстырылсын;

2) үшінші бөліктегі "Қорғаныс министрлігінің, әскери қызметшілер әскери қызметте тұратын басқа да министрліктер мен ұйымдардың" деген сөздер "әскери қызметшілер әскери қызметте тұратын Қарулы Күштердің, басқа да әскерлер мен әскери құралымдардың" деген сөздермен ауыстырылсын;

3) бесінші бөлік алынып тасталсын;

4) алтыншы бөлік "Мерзімді қызмет атқаратын әскери қызметшілерге" деген сөздерден кейін ", әскери (арнаулы) оқу орындарының I-II курстарының курсанттарына " деген сөздермен толықтырылсын;

5) жетінші бөлік мынадай редакцияда жазылсын:

"Мерзімді қызметтегі әскери қызметшілер, әскери (арнаулы) оқу орындарының курсанттары мыналарда тегін жүруге құқылы:

стационарда емделуге барғанда және кері қайтқан кезінде Қазақстан Республикасының аумағы бойынша темір жол, әуе қатынасы, су және автомобиль көліктерінде ;

әскери қызметтен босағанда, сондай-ақ демалысқа барғанда және кері қайтқан кезінде Қазақстан Республикасының аумағы бойынша темір жол, су және автомобиль көліктерінде . " .

1 3 .

1 7 - б а п т а :

1) үшінші бөліктегі "Офицерлерді, прапорщиктерді, мичмандарды, әскери қызметші әйелдерді, шарт бойынша қызметтен өтуші әскери қызметшілерді" деген сөздер " Әскери қызметшілерді (мерзімді қызметтегі әскери қызметшілер мен әскери (арнаулы) оқу орындарының курсанттарынан басқа)" деген сөздермен ауыстырылсын, "Қорғаныс министрлігі және басқа министрліктер мен ведомстволар есебінен толық көлемінде өтеліп, келтірілген зиян кейіннен кінәлі адамдардан ұсталуға тиіс" деген сөздер " Қарулы Күштердің, басқа да әскерлер мен әскери құралымдардың есебінен толық көлемінде өтелуге тиіс" деген сөздермен ауыстырылсын;

2) жетінші бөлік алынып тасталсын;

3) сегізінші бөлік мынадай редакцияда жазылсын:

"Мерзімді әскери қызметті өткерген адамдардың өздері шақырылған нақ сол

кәсіпорынға жұмысқа қабылдану кезінде басым құқығы болады";

4) тоғызыншы бөлік мынадай редакцияда жазылсын:

"Әскери қызметтен босатылған азаматтарды жұмысқа орналастыру, олардың мамандық алуы, зейнетақы құқығынсыз әскери қызметтен босатылған адамдарды жұмыспен қамту Қазақстан Республикасының халықты жұмыспен қамту туралы заңдарына сәйкес жүргізіледі."

14. 18-баптың екінші абзацындағы "әскери" деген сөз "Әскери" деген сөзбен ауыстырылсын.

15. Қазақ тілдегі мәтінінде 20-баптың үшінші бөлігіндегі "қолдануға құқылы" деген сөздердің алдынан ";" белгісі қойылып, мынадай мазмұндағы абзацпен толықтырылсын :

"- жануарлардың шабуылынан қорғану үшін."

16. 23-баптың төртінші бөлігі мынадай редакцияда жазылсын:

"Әскери міндетін орындау кезінде мемлекетке келтірілген материалдық залалды өз кінәсінен залал келтірілген әскери қызметші соттың шешімі негізінде не ерікті тәртіппен өтейді."

2-бап. Осы Заң 2003 жылғы 1 қаңтардан бастап қолданысқа енгізілетін 1-бабы 6-тармағының 1) және 3) тармақшаларын, 12-тармағының 4) және 5) тармақшаларын қоспағанда, жарияланған күнінен бастап қолданысқа енгізіледі.

Қ а з а қ с т а н Р е с п у б л и к а с ы н ы ң

Президенті